



## Universitätsbibliothek Paderborn

**Novæ Observationes Et Additiones Ad A. R. P. D.  
Bartholomæi Gavanti Congreg. Cleric. Regul. S. Pauli ac  
Sac. Rit. Congregat. Consultoris Commentaria In Rubricas  
Missalis Et Breviarii Romani**

Adiectis Summorum Pontificum & Sac. Rit. Congreg. Decretis usque ad  
præsens emanatis

Complectens omnia Gavanti Commentaria in Rubricas Breviarii - Cum  
Indicibus Decretorum, Rerum atque Verborum notabilium

**Merati, Gaetano Maria**

**Augustæ Vindelicorum, 1740**

**VD18 10783695-002**

De Litaniis majoribus, & minoribus. XVI.

**urn:nbn:de:hbz:466:1-39775**

pitulum Regi seculorum &c. Hymnus cum clausula Paschali. In Responsoriis Brevibus duplex *Alleluja* cum Versu: *Qui surrexisti à mortuis &c.* usque ad Ascensionem etiam in Festis (nisi proprium habeant, ut habent Festa B. M. V.) Preces de Dominica, ut ibi in Psalterio. Ad Absolutionem Capituli Lectio Brevis: *Si consurrexisti &c.*

Ad Tertiam, Sextam, & Nonam in Feriali Officio hujus Temporis dicuntur Hymni cum clausula Paschali; Psalmi sub Antiphona *Alleluja*, ut in Dominicis tempore Paschalimo do notato in Psalterio, & proprio de tempore dictae Feriae, Capitula, & Responsoria Brevia uti notantur ibidem, Oratio Dominicæ precedentis.

Ad Responsoria Brevia prædictarum Horarum tum in Feriis, tum in Festis occurribus hoc tempore Paschali, nempe ab Octava Paschæ, usque ad Sabbathum post Pentecosten inclusivè, ante primum Versum dicantur duo *Alleluja*, quæ etiam post dictum primum Versum ante *Gloria Patri*, repetuntur loco partis Responsorii (extra tempus Paschale alioquin poni solite) in fine au-

tem secundi Versiculi dicatur tandem unum *Alleluja*, ut in Rubrica Sabbati in Albis, ac Rubrica generali 28. num. 5.

Vesperæ Feriales dicuntur sub una Antiphona *Alleluja*, in Festis vero dicuntur pro quolibet Psalmo suæ Antiphonæ sub Ritu Duplici, vel Semiduplici, vel propriæ, si eas habeant, vel de Communi, addendo in fine cujuscunque Antiphonæ *Alleluja*, prout fit ad Laudes, ad Completorium vero loco Antiphona *Miserere* dicitur *Alleluia &c.* prout notatur in Breviario. In Officio parvo B. M. V. quod tempore Paschali dicitur, in Choro non additur *Alleluia*. Antiphonis, neque Versibus, neque Responsoriis, ut habeatur in Rubrica generali 37. & confirmatur S. C. Decreto edito die 28. Martii 1626. & dato in nostro Indice sub n. 52.

Cæteram sicut si fiat translatio alicuius Festi à Tempore non Paschali ad Paschale, recitantur Officium, ac Missa, prout tempore Paschali, ita, si fiat translatio à tempore Paschali ad non Paschale, recitantur pro tempore non Paschali.

## Novæ Observationes, & Additiones ad Gavanti Cap. XVI. De Litaniis majoribus & minoribus.

I. Gavant. pag. 99. col. 1. n. 1. - *Si occurrant Litanie majores in Pascha &c.*) De Litaniis tum majoribus, tum minoribus sermonem habuit Gavantus etiam tom. 1. part. 4. tit. 1. n. 7. & seqq. & nos quoque nonnulla ibidem observavimus, & addidimus, unde ne eadem hic repeatantur, videantur ibidem dicta, præsertim quoad originem talium Litaniarum, & quoad Missam post eas celebrandam; hoc loco aliqua adjicieimus, spectantia ad Horas Canonicas recitandas in Feriis, quæ Rogationum dicuntur, & ad Ritum servandum in Processionibus, in quibus præfatae Litaniae recitantur.

II. Gavant. pag. 99. col. 1. n. 2. - *Nunc autem Homilia legitur super Evangelium Mis-*

*se &c.)* Tres dies præcedentes Festum Ascensionis vocantur Feriae Rogationum, quia in iis fiunt *Litanie minores*, id est, *Rogations*, seu *Deprecations*, ob remissionem peccatorum obtinendam, pacem, conservationem frugum, & cæteras necessitates; primus prædictorum dierum vocatur communiter Feria II. Rogationum, quia occurrit in Feria II. talis Hebdomada, & ita secundus dictorum dierum vocatur Feria III. Rogationum &c. de quibus hoc loco notandum occurrit, quod Feria II. Rogationum est *Feria major*, unde licet non excludat Festum novem Lectionum in ea occurrentis, etiam translatum, quo minus in ea possit celebrari, debet tamen fieri semper de eadem Fe-

ria



ria Commemoratio in Laudibus, ac Milla, & quidem ante Commemorationem Festi simplicis, si etiam de eo simul occurrente sit facienda commemoratio, attamen post commemorationem de die infra Octavam, si tamen simul ocurrat. Rursus in eodem Festo occurrente in hac Feria debet de eadem legi nona Lectio, & in Milla ultimum legi Evangelium etiam si tale Festum fuerit prima Classis, quod diximus de Evangelio Ihesus Feriae legendi in Milla, & de Commemoratione facienda, intelligi debet in Missis privatis, non vero in sollempni, quia hac die debent cantari duae Missae, si ocurrat Festum, ut alibi diximus, quaruna prima est de Festo, in qua nulla fit Commemoratio Feriae, secunda vero esse debet de hac Feria, in qua nulla fit Commemoratio Festi.

Quod si Festum duplex, aut semiduplex (eriam translatum) in hac Feria occurrens, non habeat proprias Lectiones in primo Nocturno, tunc Lectiones pro I. Nocturno Festi hodie occurrentis sumenda sunt ex communione Sanctorum, nisi forte initium Epistolae primae B. Petri Apostoli heri ponit non potuerit, tunc enim hodie est ponendum in tali Officio de Festo in primo illius Nocturno, ut prescribit Rubrica generalis 26. n. 7. ac 9. Pari modo, ita disponente eadem Rubrica, sumenda sunt Lectiones de Communione Sanctorum pro primo Nocturno, si hac Feria II. Rogationum ocurrat dies infra Octavam. Si vero hac eadem Feria ocurrat dies Octava alicujus Festi, tunc in primo Nocturno diei Octavae repetenda sunt Lectiones, quae in primo Nocturno Festi habentis Octavam sunt lectae.

Si autem Feria hac II. Rogationum nullum ocurrat Festum novem Lectionum, nec dies Octava alicujus Festi, nec dies aliqua infra Octavam, Officium, & Milla sicut de ea, & color erit violaceus. Officium quidem dicetur, ut in Psalterio tempore Paschali. Lectiones propriae de Homilia in

Evangelio cum tribus Responsoriis (quia non dicitur Hymnus Te Deum) ut ibi, & ut supradictum nos diximus. *Ad Laudes Antiph.* & *Psalms*, de Dominica cum Antiphona ad *Benedictus*, & Oratione propria. Si simul ocurrat Festum simplex, fit de eo Commemoratio in Laudibus, sed de eo non legitur nona Lectio. Non dicuntur preces feriales in hac Feria, sed tantum Commemoratio de S. Cruce suis locis, & quidem post Commemorationem de Festo simplici.

Præterire non debemus, quod Congregationes illæ, Religiones, Ecclesia, seu Nationes, quibus alioquin à sede Apostolica indulatum est, ut semel vel pluries in singulis Hebdomadis, aut mensibus dicant Officium, & Missam, v. g. de Sanctissimo Sacramento, aut certo aliquo Sancto diebus nullò Festo dupliciti, vel semiduplici impeditis, non possunt uti hoc suo Privilegio in hac Feria II. Rogationum, quamvis in eam nullum incidas Festum novem Lectionum. Hoc colligitur ex Decreto edito à S. R. C. 20. Martii 1706. dato in nostro Indice sub num. 236. & hoc Decretum habet etiam locum in Feria IV. Rogationum, seu in Vigilia Ascensionis Domini.

Vesperæ hujus diei, nisi cras ocurrat Festum, dicuntur de Feria currente, ut in Psalterio tempore Paschali, ac proprio loco, cum Oratione Dominicæ præcedentis, & Commemoratione de Cruce, Antiphona ad *Magnificat*, ut in proprio de Tempore, color Altaris erit Albus. Si vero sequatur Festum soluimmodo simplex, tunc quidem Vesperæ usque ad Capitulum pauper eunt de Feria currente, ut in Psalterio tempore Paschali, sed à Capitulo dicuntur (ritu Paschali) de Festo cum Commemoratione de S. Cruce tantum, ut tempore Paschali, color erit Festo conveniens. Si denique cras ocurrat Festum, aut Officium novem Lectionum, totæ Vesperæ erunt de illo, sine ulla Commemoratione, si illud fuerit duplex; vel tantum de S. Cruce, si fuerit semiduplex, nisi forte



forte etiam simul occurrat Festum simplex; tunc enim etiam de hoc facienda erit Commemoratio in hodiernis Vesperis de Feste novem Lectionum (nisi hoc sit prima vel secunda Classis) ac crastinis Laudibus cum nona de eo simplici Lectione, (in Feste etiam 2. Classis tantum) si propriam habeat.

Si hoc triduo Festum non occurrat, Altarium Minorum paramenta erunt Officio conformia, Altaris autem majoris, vel ejus, in quo celebratur Missa Rogationum, debent esse conformia huic Missæ, saltem dum hæc celebratur. Vide Gav. Tom. I. part. I. Tit. XVIII. lit. a.

III. Gavant. eod. n. 2. - - *De Feria III. Rogationum nulla fit Commemoratio.*) Feria III. Rogationum, si in ea occurrat Festum IX. Lectionum, aut dies Octava alicujus Festi, aut dies infra Octavam, fit de illo tam Officium, quam Missæ etiam privata cum Commemoratione de Feste simplici in primis Vesperris, ac Laudibus (si quod simul in hac Feria occurrat) atque etiam nona de eo Lectione, si propriam habuerit; at vero de Feria III. Rogationum (qua est tantum Feria minor) nulla fit Commemoratio, uti nec Festi simplicis, si Festum IX. Lectionum, de quo fit Officium, sit primæ Classis, aut non nisi in Laudibus, ac Missis privatis (cum IX. tamen, dicto modo, de eo Lectione) si sit duplex secundæ Classis.

Si autem hac Feria III. Rogationum occurrat Festum solummodo simplex, tunc fit Officium de eo sine Commemoratione de Feria occurrente, sed tantum de Cruce, ut tempore Paschali, at vero Missa dici tunc potest vel de Feste cum Commemoratione Rogationum, vel de Rogationibus cum Commemoratione Festi simplicis (ut dicitur in Rubrica propria) & tertia Oratio erit *Concede*, ac ultimum Evangelium S. Johannis in utralibet, ut etiam alibi innuimus. Paramenta Altarium minorum in tali Festi simplicis cum hac Feria Rogationum occurrentia, quoad colorrem erunt conformia Officio, at vero Alta-

ris Majoris (saltem sub Missa solenni) & celebrantium ad quocunque Altare conformia erunt Missæ, quam celebrant, adeoque violacei coloris, si dicant Missam de Rogationibus, securus autem, si dicant Missam de Sancto.

Si denique Feria III. Rogationum nullum omnino occurrat Festum, nec trium, nec novem Lectionum, tunc Officium dicitur de ea, ut in Psalterio tempore Paschali, Lectiones Nocturni de scriptura occurrente, ut in proprio de tempore; Responsoria duo pariter, ut ibi, post tertiam Lectionem non dicitur Responsorium, sed Hymnus *Te Deum Lausamus*: Ad Laudes Antiph. ut in proprio de tempore. Ad easdem, & reliquas Horas Oratio, ut in Dominica præcedenti.

Si autem nec hodie, nec cras occurrat Festum novem Lectionum, tunc hodiernæ Vesperæ totæ erunt de Feria III. occurrente, dico de ea Psalmos Ferialis sub una Antiphona *Alleluia*, ut in Psalterio tempore Paschali, & reliqua omnia dicentur de eadem Feria occurrente cum Antiphona propria ad *Magnificat*, & Oratione de Dominicâ præcedente, etiamsi cras forte occurrat Festum simplex: & quia hoc sequenti die habere non potest Officium propter cras occurrentem Vigiliam Ascensionis, ideo nec convenit, illud habere hodie primas Vespères à Capitulo (ut in Rubrica XI. *de concurrenâ Officii n. 9. & 10. docetur*) unde in tali casu de crastino Feste simplici in hodiernis Vesperris Ferialibus fit tantum Commemoratio, superaddendo quidem ei aliam Commemorationem Paschalem de S. Cruce, non vero Commemorationem de crastina Vigilia Ascensionis. Quod si cras nullum occurrat Festum simplex, in hodiernis Vesperris Ferialibus fit tantum Commemoratio prædicta de S. Cruce, & Color Altarium erit albus.

IV. Gavant. pag. 99. col. 2. n. 5. - - *Fiat processio, non ante discidatur ab Altari, quam fit cantatum inclusivè: Sancta Maria, ora pro nobis.*) Antequam agamus de Vigilia Ascensionis

sionis Domini, seu de Feria IV. Rogationum, (de qua inhærendo Gavanti vestigiis, agemus infra cum eodem Cap. XVII.) sermonem instituimus de ritu servando in Processionibus, quæ sunt hoc triduo ante Ascensionem Domini, & in quibus recitantur Litanie. Modum itaque competenter instituendi Processionem Litaniarum tam majorum, quæ recitantur in Festo Divi Marti, quam minorum, quæ recitantur hoc triduo, tradit Rituale Romanum in Rubrica, seu Titulo de Processionibus, nec non Ceremoniale Episcoporum Lib. 2. Cap. 32, & ex iisdem Castaldus in Ceremoniali nostræ Congregationis Lib. 3. Cap. 21. num. 5. & in Praxi Ceremoniarum Lib. 3. Sect. IX. Cap. 6. n. 1. & seq. Quarti in Lib. de Processionibus punt. 9. Bauldry part. 2. Manualis à Cap. 17. & part. 4. Cap. 12. à n. 9. nec non Gerlacus Vinitor part. 6. Tit. 20. ex quibus omnibus hæc colliguntur, servari debere in prædictis Processionibus.

1. Manè die, ac hora statuta, & pulsatis Campanis, Clerus induitus Cottis, & Populus in Ecclesia congregari debent, & ibi contrito, & humili-corde Deum flexis genibus deprecari, & adorare. 2. Sacerdos Hebdomadarius debet in Sacraria indui Amictu, Alba, Cingulo, Stola, & Pluviali (vel in hujus defectu Stola supra Cottam, seu Superpelliceum) violacei coloris, & deinde præcedente aliquo Clerico Crucem ferente inter duos Acolythos deferentes Candelabra cum cereis accensis, procedit ad Altare majus, ibique Clerus in Presbyterio congregatus stando cantat Antiphonam *Exsurge Domine &c.* ut in Rituali Romano. 3. Repetita hac Antiphona post primum verbum Psalmi: *Deus, attribus nostris audivimus, & Versu Gloria Patri &c.* genuflectunt omnes, & duo Clerici, vel Cantores pariter ante ipsum Altare majus genuflexi, devotè cantare incipiunt Litanias omnium Sanctorum Choro respondentem, vel easdem etiam repetente, si talis sit consuetudo, ut innuit Gavantus su-

Gavant. Rubr. Brev.

præ, aut saltem si longior sit Processio. 4. Statim ut cantatum fuerit *Sancta Maria ora pro nobis*, & non prius, surgunt omnes, ut docet etiam Gavantus, ac ordinatim procedunt egredientes ab Ecclesia, Litaniasque prosequentes, præcedentibus eo, qui defert Crucem, necnon Acolythis Candelabra cum cereis accensis, seu intortitia deferentibus, deinde sequetur Clerus, ultimo vero loco Sacerdos paratus Pluviali, ut suprà, & post eum Populus. Si autem Processio fiat tantum circa Atrium Ecclesiæ, vel circa ipsam Ecclesiam, tunc juxta sententiam Castaldi in nostro Ceremoniali loc. cit. egreditur, & incipit gyrum suum à latere Epistole, regrediens autem intrat in Presbyterium per Cancellos à latere Evangelii. 5. Quando Processio Ecclesiæ Cathedralis vadit usque ad Ecclesiam, ad quam dirigitur juxta morem, & consuetudinem cuiuscumque loci, tunc Clerus ejus Ecclesiæ, ad quam Processio pergit, obviam veniet usque extra portas Templi, ibique stans eam recipiet, aliquo Sacerdote aspergente Aquâ benedictâ ingredientes Templum. 6. Postquam perventum fuerit ad dictam Ecclesiam, tunc si consuetudo habeat, ut ibi terminetur Processio, dicuntur (omnibus genuflexis, etiam Celebrante, qui tamen ad Orationes surgit) ea, quæ remanent pro terminandis Litanis, cum precibus, quibus in hunc modum absolutis, debet dici Missa Rogationum (& quidem sine Commemoratione Festi occurrentis) & sic finit omnino Processio. Quia vero alicubi mos est, ut in ea Ecclesia, ad quam dirigitur Processio, statim ut ad eam pervenerit, decantetur quidem ibi Missa sollemnis de Rogationibus in paramento violacei coloris, non autem de S. Marco (si Processio est Litaniarum majorum, nec de alio Sancto occurrente, si fuerit Processio Litaniarum minorum) nisi hic fuerit Patronus Titularis illius Ecclesiæ, & celebrata ibi dicta Missa Rogationum, seu Processionali, tunc non terminantur ibi Litanie, sed Clerus simul, ac

M m

Popu-



Populus ab ea Ecclesia redire processionaliter debet ad primam Ecclesiam, unde discesserant, cantando in reditu vel partem Litaniarum, quae remansit, vel si nihil remansit, recitando Psalmos Pénitentiales, aut Graduales. 6. Processione in primam Ecclesiam reversa, ab omnibus genuflectitur, dicitur Psalmus: *Deus in adjutorium &c.* alternatim ab ipsomet Choro, incipientibus ipsum Cantoribus, & deinde ab Hebdomadario, seu Sacerdote Officiatore Pluviali induito, & ante summum Altare genuflexo, cantantur preces, quibus persolutis, idem surgens, & stans subjungit Orationes in Breviario Romano post Litanias omnium Sanctorum assignatas, Clero tamen genuflexo respondente. 7. Advertendum superest, quod si Processio sit longior, & finiantur Litanie antequam perveniat ad dictam Ecclesiam, tunc Litanis usque ad preces exclusivè absolutis, vel decantentur Psalmi (saltet aliqui) Pénitentiales, aut Graduales, ut innuit etiam Gavantus, vel etiam repeti possent eadem Litanie, usque dum ventum sit ad Ecclesiam, ad quam terminatur Processio, & in qua debet dici Missa Rogationum. 8. Pariter notari debet, quod si in via divertendum sit ad Ecclesiam unam, vel plures, post ingressum in talem Ecclesiam, intermissis tantisper Litanis, vel Psalmis, cantatur Antiphona cum Versu, & Oratione de Sancto Patrono illius Ecclesie, sed juxta sententiam Caftaldi *loc. cit.* in *Praxi*, dicitur illa Oratio, quae recitari solet in Suffragiis, quae fiunt in Commemoratione per annum, non verò illa de ipsomet die Festi, nisi sit conformis Commemorationi. Egradientes verò resumunt Litanias, vel Psalmos ab eo loco, quo eos intermisserunt, eodem ordine procedentes usque ad Ecclesiam designatam.

V. Gavant, pag. 99. col. 2. num. 6. - *Et respondi posse &c.*) Proposita quæstione, an ille, qui recitat Vesperi Matutinum cum Laudibus, possit etiam statim recitare Litanias?

Gavantus respondit, posse, ea ratione ductus, quia Rubrica conjungit Litanias cum Laudibus, & accessoriis, cajusmodi sunt Litanie, sequitur naturam sui principalis, quapropter si pridie possunt recitari *Laudes*, non est, cur non possint recitari Litanie. Hec ex Gavanto. Hanc Gavanti sententiam suo quoque calculo olim probavit Gobat *trad. s. num. 615.* at contrariam sententiam tenet Thomas Tamburinus *lib. 2.* in Decalogum *cap. 2. § 5. num. 7.* necnon Johannes Stoz in Tribun. La Croix *tem. 4. num. 190.* Halden *part. 1. tit. 27.* necnon *part. 2. tit. 4.* præcipue verò Guyetus *lib. 4. cap. 20. quest. 6.* qui validis proœctis rationum momentis refellit Gavanti sententiam, ita ut Gobat eam tanquam probabiliorem in posteriore sui operis editione *trad. 5. num. 616.* amplectus fuerit. Rationes, quæ movent Guyetum, sunt, quia licet Litanie juxta Rubricæ dispositionem jungantur cum Laudibus, non tamen habentur, aut verè sunt pars illarum, adeoque iis Vespri anticipatis, non sequitur, Litanias ipsas quoque posse anticipari. Sed fortiori argumento, & ad hominem confusa etiam hoc alio medo Gavantum, nimur, quia ipse met Gavantus *scilicet. 7. cap. 13.* ad diem 2. Novembris refert Decretum S.R.C. editum die 1. Septembris 1607. & præscribens, ne pridie Commemorationis omnium Fidelium Defunctorum Vesperi recitetur, sed ipsa die mane, quamvis Matutinum, & Laudes Defunctorum æquè bene possent dici pars Laudum diei, ac Litanie, nam æquè Laudibus adjunguntur per Rubricam, & æquè iis adiunxit Versum *Fidelium anima &c.* Ade, quod usus est multarum Ecclesiæ, ut Vesperi decantent Matutinum, & Laudes Defunctorum, at nullibi receptum est, ut Litanie majores, vel minores pridie decantentur, ergo juxta communem sensum magis sunt affixa diei Divi Marci Litanie majores, & tribus diebus Rogationum Litanie minores, quam sit affixum diei 2. Novembris Officium Defunctorum. Si igitur Gavan-



Gavantus in ea est sententia, quæ negat, posse recitari Matutinum, & Laudes Defunctorum pridie 2. Novembris post Vespertas, quomodo concedit, posse Litanias majores, vel minores eodem modo anticipari ante diem Divi Marci, vel ante dies Rogationum? Igitur sentiendum potius, prædictas Litanias verè addictas esse diei 25. Aprilis, & tribus diebus Rogationum, adeoque anticipari non posse.

Nec obstat, ut optimè notat Guyetus, quod Psalmi Graduale, & Pœnitentiales, qui præscribuntur recitari in Feriis IV. & VI. Quadragesima, possint ex Declaratione S. R. C. anticipari Vesperi, tum quia liberum non est, talem declarationem ad similia extendere, tum quia par non est utrumque ratio; Psalmi enim prædicti extra Chorum recitantur ex devotione tantum, non verò ex obligatione, è contra Litaniae prædictæ etiam à non interessentibus Processioni, si ad Horas Canonicas recitandas

## Noxæ Observations, & Additiones ad Gayanti

### Cap. XVII. De Festo Ascensionis Domini.

I. Gayant. pag. 99. col. 2. num. 1. - -  
*Vigilia Ascensionis non habet jejuniū &c.*  
 Feria IV. Rogationum occurrit Vigilia Ascensionis Domini, sed sine jejuno; si in ea occurrat Festum prima Classis, putè Patroni, seu Tituli, aut Dedicationis Ecclesiae, fit de eo, absque eo, quod in Officio, & in Missa fiat aliquid de hac Vigilia, ut notat Castaldus in Praxi lib. 3. sect. 9. cap. 6. num. 7. & Halden part. 1. iii. 27. Item nihil pariter debet fieri de Festo Simplici in tali Casu, si quod forte occurrat. Si autem in eadem Vigilia occurrat aliud Festum novem Lectionum, seu Duplex, seu Semiduplex, aut aliqui dies Octava alicujus Festi, vel dies infra Octavam, tunc Officium fit de eo cum nona Lectione de Homilia Vigilia, ejusque Commemoratione ad Laudes, ut notatur in pro-

prio de tempore, & cætera fiunt, prout de more.

Si denique in hac Vigilia Ascensionis, seu Feria IV. Rogationum non occurrat Festum IX. Lectionum &c. esto occurrat in ea fortassis Festum aliquod trium Lectionum, sive Simplex tunc Officium, & Missa dicuntur de Vigilia; Excepta tamen Missa Litaniarum, sive ea, quæ in termino Processionis dicitur de Rogationibus prout suprà. De prædicto autem Festo Simplici tunc fortè occurrente fiet tantum Commemoratio (sine Lectione de eo, etiam si aliquin propriam habeat) in Laudibus, ac Missa. Ad Matutinum fit feriale ritu Paschali, ut Feria IV. tempore Paschali. Lectiones Nocturni de Homilia Vigilia, ut in proprio de Tempore; Responsoria post primam, & secundam Le-

M m. 2 ctio-